

Headlines

1. प्रधानमंत्री नरेन्द्र मोदी होर रियो डे जेनेरो च 17में ब्रिक्स शिखर सम्मेलन च हिस्सा लैने लेई ब्राजील पुज्जी गे न।
2. सुरक्षा दे सख्त बंदोबस्तें हेठ 7 ज्हार 208 श्री अमरनाथ श्रद्धालुएं दा इक नमां जत्था जम्मू दे भगवती नगर यात्री निवास आधार शिविर थमां घाटी लेई खाना होआ।
3. जम्मू कश्मीर औंदी 7 ते 8 जुलाई गी शोरे कश्मीर अंतर्राष्ट्रीय कन्वेंशन केन्द्र च सैलसफा सचिवें दे पैहली-पैहली राष्ट्रीय कांफ्रेंस दी मेजबानी करोग। केन्द्री सैलसफा मंत्री सब्बने राज्यें ते केन्द्र शासत प्रदेशों दे सैलसफा प्रमुख एहदे च शिरकत करगंन।
4. उपराज्यपाल मनोज सिन्हा, मुख्यमंत्री उमर अब्दुल्ला होरें आशूरा दे मौके पर हजरत इमाम हुसैन हुंदे उच्च बलिदान गी चेता कीता।

<><><><><><>

PM-Brazil

प्रधानमंत्री नरेन्द्र मोदी होर 5एं मुख्यें दे अपने दौरे दी चौथे गेड़ च ब्राजील दे रियो डि जेनेरो पुज्जी गे न। अपने दौरे दरान श्री मोदी होरें 17में ब्रिक्स शिखर सम्मेलन च शामिल होंगन। प्रधानमंत्री होर इस दरान कुल संसारी शासन च सुधार करने, अमन शांति ते सुरक्षा, ए.आई.डी. बरतून, जलवायु सरबन्धी कारवाई, कुल संसारी सेहत, आर्थिक ते वित्त मसलें पर अपने बचार सांझ करगंन। प्रधानमंत्री होर शिखर सम्मेलन कोला बख्त बाहरे बी आपूँ'चै दी केर्द दपक्खी बैठकां करगंन। श्री मोदी होर ब्रासीलिया बी जांगन, जित्थें ओह राष्ट्रपति लूइज इनासियो लूला डी. सिल्वा हुंदे कन्नै दपक्खी गल्लबात करगंन। साढ़े संवाददाता नै दस्सेआ जे मिंभर मुख्यें दे शेरपा जमीनी सतह पर तैआरियां करा'रदे न तां जे गल्लबात मगरा इक सांझा घोषणा पत्र जारी कीता जाई सकै।

<><><><><><>

PM Argentina

प्रधानमंत्री नरेन्द्र मोदी होर कल अर्जेन्टीना दे राष्ट्रपति जेवियर माइली हुंदे कन्नै इक बैठक लाई। एह पिछले 57एं ब'रे च कुसै भारतीय प्रधानमंत्री हुंदी अर्जेन्टीना दी पैहली दपक्खी यात्रा ही। दौनें लीडरें दी आपूँ'चै दी बैठक मगरा प्रतिनिधिमंडल स्तरै दी गल्लबात होई। दौनें लीडरें बपार ते कारोबार, तकनीक, रक्षा, अंतरिक्ष, सेहत ते दुआइएँ-औषधिएं समेत मुख्य क्षेत्रें च साथ सहयोग बधाने पर सहमति जताई।

<><><><><><>

SANJY

सख्त सुरक्षा बंदोबस्तें हेठ जम्मू थमां 7 ज्हार 208 शिव भक्तें दा नमां जत्थाश्री अमरनाथ जी दी पवित्र यात्रा दे दर्शनें आस्तै भगवती नगर यात्री निवास आधार शिविर थमां कश्मीर घाटी लेई रवाना होआ। अज्ज बडलै 307 गडिडएं दे काफले च रवाना इस जत्थे च 5 ज्हार 258 मर्द, 1 ज्हार 587 महिला, 38 बच्चे, 277 साधु ते 56 साध्वियां शामिल हियां। इंदे चा 3 ज्हार 793 यात्रु बालटाल ते 4 ज्हार 9 पहलगाम आधार शिविर लेई अग्रे बधे। तोआई कल सलाना तीर्थ यात्रा दे त्रीये ध्याड़े 21 ज्हार 109 भक्तें भगवान शिवें दे पवित्र हिमलिंगम दे दर्शन कीते। इनेंगी रलाइयै पिछले 3 ध्याड़ें च कुल 47 ज्हार 912 शिवभक्तें भगवान दे दर्शन करी चुके दे न।

<><><><><><>

Dar SANJY

राई-बाई उत्पादन, ग्रामीण विकास पंचेती राज ते सहकारिता मंत्री जावेद अहमद डार होरें पहलगाम थमां विधायक अल्ताफ अहमद वानी हुंदे कन्नै इस ब'रे आली चला करदी श्री अमरनाथ जी दी यात्रा दे सुचारु ढंगे सिर संचालन लेई कीते कीते गेदे प्रबंधें दी समीक्षा करने लेई आधार शिविर नुनवान दा दौरा लाया। इस मौके उनें तीर्थ यात्रुएं लेई साफ सुथरे, सुरक्षित ते बेहतर अनुभवें गी लकीनी बनाने लेई बुनियादी ढांचे, सार्वजनिक सहूलतें ते होर दुए उपाएं दा निरीक्षण कीता। दौरे दरान मंत्री होरें बक्ख-बक्ख थाहरें पर तैनात सफाई कर्मचारिएं कन्नै गल्लबात कीती ते यात्रा आले रस्तें पर सफाई ते बेहतर माहौल बनाए रखने व उंदे योगदान दी सराहना कीती। मंत्री होरें शकैतें दे तुरत नबेड़े लेई शौचालय ब्लॉकें च क्यूआर कोड आधारित प्रतिक्रिया सिस्टम ते यात्रुएं लेई स्वच्छता फीडबैक कियोस्क दी शुरूआत सनें नेके डिजीटल ते पर्यावरण अनुकूल पैहल दा बी जायजा लैता। एह्दे शा पैहले मंत्री होरें पहलगाम दी सगबल थाहर कूड़े कचरे दे नबेड़े लेई प्रबंधन केन्द्र दा उदघाटन कीता। नुनवान आधार शिविर दे इलाके थमां हर ध्याड़े 4 टन सुक्का ते 7 टन गिला कचारा निकलदा ऐ।

<><><><><><>

LG SCMeet

कोले, खाने ते इस्पात पर संसदीय स्टैंडिंग कमेटी नै सांसद अनुराग सिंह ठाकुर हुंदी प्रधानता च कल राजभवन श्रीनगर च उपराज्यपाल मनोज सिन्हा हुंदे कन्नै मलाटी लाई, कमेटी केन्द्र शासत प्रदेश जम्मू कश्मीर दे दौरे पर न। श्री ठाकुर होरें आखेआ जे कमेटी दा एह दौरा पहलगाम आतंकी हमले मगरा भारत सरकार आस्सेआ विश्वास ब्हाली दे उपाएं दा बी इक हिस्सा ऐ। उनें गलाया जे एह्दे कन्नै समूलचे देसै च एह सनेहा जाग जे जम्मू कश्मीर सुरक्षित, अमन ते रमानदारी आला प्रदेश ऐ। इस मौके उपराज्यपाल होरें प्रदेश दे समावेशी ते न्यायगत विकास लेई अपनी वचनबद्धता दोहराई। उनें आखेआ जे जम्मू कश्मीर दा आम आदमी अमन, रमानदारी चाहदा ऐ। श्री सिन्हा होरें आखेआ जे पहलगाम च पाकिस्तानी आतंकिएं आस्सेआ कीते गेदे हमले खलाफ इत्थुआं दिएं सड़कें पर जिस चाल्ली दे विरोध प्रदर्शन दिक्खे गे ओ बेजोड़ हे।

<><><><><><>

DC Visit

जम्मू दे जिला मैजिस्ट्रेट सचिन कुमार वैश्य होरें कल परगवाल तैहसील दा सरकारी दौरा लाइयै मैहकमा माल दे कम्मकाज दी समीक्षा कीती ते चला'रदिएं परियोजनाएं दा जायजा लैता। अपने दौरे दे इक हिस्से च श्री वैश्य होरें सार्वजनिक सेवा वितरण दा जायजा लैने लेई नेके ग्राएं—मोहड़े दा दौरा लाया ते सरबंधत अफसरें गी तनदेही कन्नै कम्म करने आस्तै मौके पर गै निर्देश जारी कीते। दौरे दरान जिला मैजिस्ट्रेट होरें खाद्य, नागरिक आपूर्ति ते उपभोक्ता मामले सरबंधी मैहकमे तैहत् इक बाजब भाएं आली दकान दा बी निरीक्षण कीता।

<><><><><><>

TS-Conference

जम्मू कश्मीर दे सैलसफा उद्योग गी बढ़ावा देने लेई केन्द्री सैलसफा मंत्रालय नै कल 7 ते 8 जुलाई गी शोरे कश्मीर अंतर्राष्ट्रीय सम्मेलन केन्द्र श्रीनगर च सब्बने राज्यें ते केन्द्र शासत प्रदेशें दे पर्याटन सचिवें दा दऊं दिने आले सम्मेलन दा सरिस्ता करा करदा ऐ। जम्मू कश्मीर च एह अपने किस्मे दा पैहला सम्मेलन होग। केन्द्री संस्कृति ते सैलसफा मंत्री, केन्द्री गृह सचिव ते सरबंधम मंत्रालय दे सचिव सनें होर दुएमन्ने परमन्ने दे लोके दे इस कार्यक्रम च शामिल होने दी मेद ऐ। उहदे च 2025–26 लेई सैलसफा कन्नै सरबंधत बजट घोषणाएं, तरक्की बाद्धा, बुनियादी ढांचा पैहल, मंजरशुदा परियोजना दी समीक्षा, निवेश दे मौके ते फिल्म सैलसफा गी बढ़ावा देने जनेए मुख्य क्षेत्रें पर टकोहदा ध्यान दित्ता जाग। इस मोके पर कश्मीर दे सैलसफा निदेशक ते निर्देशक एस.के.आईसीएस बी मजूद हे। जिनें रसद मेजबानी ते सुरक्षा उपाएं दी जानकारी दित्ती। अपने संबोधन च आयुक्त सचिव होरें आखेआ जे एह सम्मेलन जम्मू कश्मीर लेई इक माने आली गल्ल ऐ। उनें आखेआ देस भरै थमां सैलसफा सचिवें दी मेजबानी करना इक मौके ते जिम्मेदारी आली गल्ल ऐ ते अस तनदेही कन्नै बेजोड़ बवस्था ते बेहतर तालमेल कन्नै इसी कामयाब करने लेई जुटाए दा आ।

<><><><><><>

Muhharam

अज्ज मुल्ख भरै दे बक्ख—बक्ख हिस्सें च आशूरा—ए—मुहर्रम पूरी मजहबी—अकीकत ते श्रद्धा कन्नै मनाया जा करदा ऐ। अज्जै दे दिन हजरत इमाम हुसैन होरें नेकी ते सच्चाई गी लेइयै अपनी जिंदू दी कुर्बानी देई दित्ती ही। इस मौके पर ताजिया—जलूस कड्डे जांगन। मजहबी किट्ठ, मजलिस दा सरिस्ता बी कीता जा करदा ऐ। इस दरान सुरक्षा दे पुख्ता इंतजाम कीते गेदे न।

<><><><><><>

LG Muharam

मुहर्रम दे 10में दिन आशूरा दे मौके पर उपराज्यपाल मनोज सिन्हा होरें हजरत इमाम हुसैन हुंदे उच्च बलिदान गी चेते कीता। अपने सनेए च उनें आखेआ जे हजरत इमाम हुसैन ते उंदे सार्थिएं दे करबला च बलिदान ते न्याय ते सच्चाई प्रति उंदी वचनबद्धता, सदा मानवता गह एकेह समाजी समोध ते न्याह लेई प्रेरित करदे रौंहगन। उनें आखेआ आओ इस मौके पर हजरत इमाम हुसैन हुंदे शाश्वत आदर्श गी आत्मसात करचै ते न्यायप्रिस ते सामे समाज दे निर्माण च अपना योगदान देचै।

<><><><><><>

CM-Muharam

मुख्यमंत्री उमर अब्दुल्ला होरें कल इमाम हुसैन ते उंदे साथिएं गी करबला च उंदे आस्सेआ दित्ती गेदी उच्ची शहादत लेई उनें गी सच्ची श्रद्धांजलिअर्पित कीती। आशूरा दे मौके पर मुख्यमंत्री होरें आखेआ जे करबला आला हादसा छड़ी एतिहासक घटना नेई ऐ सगुआं मनुक्खता लेइ इक नैतिक सबक बी ऐ। उनें आखेआ पेगम्बर मोहम्मद हुंदे पौत्रे इमाम हुसैन होरें सच्चाई, प्रतिष्ठा ते न्याह दे उच्चतम सिद्धांतें पर चलदे होई बेन्यायी अगगे मत्था टेकने शा शहीद होना बेहतर समझेआ। मुख्यमंत्री होरें जम्मू कश्मीर दे लोकें दी खुशहाली, अमन शांति ते समोध लेई प्रार्थना कीती।

<><><><><><>